

能仁、進甲冑一百一十、賊徒返進二十二、今與雄勸取六十六領、總一百九十八領、納秋田城、畢、又夷俘賜饗之日、多以他死亡位記、自稱其姓名、貪預賜祿、與雄責取死亡位記一百六枚、

降服

〔三代實錄陽成三十五〕元慶三年正月十一日辛丑、是日出羽國飛驒奏言、去年十二月十日、凶賊悔反逆之

過、致束手之請、便返進所掠奪甲二十二領、言曰、所取甲冑、其數不少、任己狂心、皆悉截破、稱身約裁、一

無全者、加之賊類、或入奧地、或所居隔遠、其遺甲冑、搜求追進、於是正六位上左衛門權少尉兼權掾清

原真人令望、左馬權大允正七位下藤原朝臣滋實、右近衛將曹兼權大目從七位上茨田連貞額等進

議曰、今乞降之賊二百人、所進之甲二十有餘、賊黨多數、官甲已少、野心難測、疑是矯飾、須得後進一度

計納陸奥鎮守將軍從五位下小野朝臣春風議曰、春風自入賊地、具知逆類悔過之心、今亦蒙犯霜雪

乞降懇切、若懷疑慮、抑而不納、猶去逸就勞、非所以樂成、正五位下守右中辨兼行守○守權守藤原朝

臣保則等商量、雖令望之議已有道理、而春風之謀、非無便宜、故殊加慰納、緩其嚴誅、又渡島夷首百三

人、率種類三千人、詣秋田城、與津輕俘囚不連賊者百餘人、同共歸慕聖化、若不勞賜、恐生怨恨、由是遣

從五位下行權介藤原朝臣統行、從五位下行權掾文室真人有房、及令望、滋實、貞額等勞饗、

備不虞

〔日本後紀二十四〕弘仁五年十一月己丑、陸奥國言、膽澤德丹二城、遠去國府、孤居塞表、城下及津、輕狄

俘、野心難測、至於非常、不可不備、伏望豫備楯鬪、收置兩城者、許之、

〔續日本紀光仁三十二〕寶龜四年正月丁丑朔、御大極殿受朝、文武百官及陸奥出羽夷俘、各依儀拜賀、

〔續日本紀光仁三十三〕寶龜五年正月庚申、停蝦夷俘囚入朝、

〔類聚國史風俗百九十〕延曆十一年七月戊寅、勅令聞夷爾散南公阿破蘇、遠慕王化、情望入朝、言其忠款、深

有可嘉、宜路次之國、擇壯健軍士三百騎、迎接國堺、專示威勢、

〔續日本後紀仁明四〕承和二年十二月甲戌、夷俘出境、禁制已久、而頃年任意入京、有徒仍下官符、譴責陸

奥出羽按察使并國司鎮守府等、

入朝